

雜寶藏經

才七

四百卅二
卷七

51021



元禧九年丙子二月日重脩

山城州天安寺法金剛院置

皇日佛
圖增日
聖輝佛
帝潛銀
昌轉佛

雜寶藏經卷第七

元魏沙門 吉迦夜共曇曜 譯

大力之化曠野群賊緣第九十七

尔時佛在王舍城於王舍城毗舍離二國中
間有五百群賊頻婆莎羅王慈心寬善以恩
法治世不害物命即出募言誰能往化五百

群盜使不作賊當重爵賞時有一力士來應

王募往彼曠野綏化群賊即能令其不復作

賊既能調伏作大城池而安置之漸漸聚集

多人依附遂成大國其國人民各作是言我

等今者蒙大力士養育之恩便共聚集作是

言要從今已後新取婦者先奉力士即到力



士所語力士言我等作要新取婦者奉上力士爲二事故一者欲得好子使似力士之力二者以報力士恩力士答言何用是爲衆人慇懃即從其意唯行此法漸經多時有一女人不樂此事於衆人前裸形小便衆皆訶言汝無慙愧云何婦女在衆人前而立小便女人答言女人還在汝前而裸小便有何等耻一國都是女人唯大力士是男子耳若於彼前應當慙愧於汝等前有何羞耻從是衆人轉相語言此女所說正是道理時舍利弗目連共將五百弟子經曠野中過力士知之請二尊者并五百弟子安置止宿供給衣食過

三日後國中人民聚集作會飲酒適醉詳共
圍遶大力士舍以火焚燒力士問言何故如
是衆人荅言婦女初嫁都經由汝我等是人
不忍此事故來燒汝力士荅言我先不肯汝
等強介諸人不聽便燒使死垂欲命終即發
誓言持我供養舍利弗目連功德因緣生此
曠野中作大力鬼神滅諸人等作是語已其
命即斷便於曠野化作生鬼放大疫氣多殺
人衆往往中間有智之人共求鬼言汝今自
殺無量人民食肉不盡唐使臭爛願聽我等
殺諸牛馬日以一人供給於汝於是國中皆
共拔籌人當一日如是次第到一長者須拔

陀羅須拔陀羅生一男兒福德端正次應鬼食
長者念言如來出世拔濟一切苦惱衆生唯
願卅尊救護我子今日之厄佛在王舍城知
長者心即便來向曠野鬼神宮殿中坐曠野
鬼神來見卅尊極大瞋恚而語佛言沙門出
去佛便出去鬼適入宮佛復還入如是三反
至第四過佛不爲出鬼作此言若不出者使
汝心顛倒當捉汝脚擲恒河裏佛語之言我
不見卅間若天魔梵有能捉我作如是者曠
野鬼言如是如是如來聽我使問四事當爲
我說一者誰能渡駛流二者誰能渡大海三
者誰能捨諸苦四者誰能得清淨佛即荅言

信能渡駛流不放逸者能渡大海精進能捨
苦智慧得清淨聞是語已即皈依佛為佛弟子
手捉小兒著佛鉢中遂名小兒為曠野手漸
漸長大佛為說法得阿那含道諸比丘言世
尊出世甚為希有如此大惡曠野鬼神佛能
降伏作優婆塞佛言非但今日過去世時亦
復曾於迦尸國比提醯國二國中間有大曠
野有惡鬼名沙吒盧斷絕道路一切人民無
得過者有一商主名曰師子將五百商人欲
過此路諸人恐怖畏不可過商主語言慎莫
怖畏但從我後於是前行到于鬼所而語鬼
言汝不聞我名也答言我聞汝名故來欲戰

問言汝何所能即捉弓箭而射是鬼五百發
箭皆沒鬼腹弓刀器仗亦入鬼腹直前拳打
拳復入去以右手託右手亦著以右脚踏右
脚亦著以左脚踏左脚亦著又以頭打頭亦
復著鬼作偈言

汝以手脚及與頭

一切諸物悉以著

餘又何物而不著

商主說偈而答言

我今手足及與頭

一切財錢及刀仗

唯有精進不著汝

精進若當不休息

與汝鬪諍終不廢

我今精進不休息

終不於汝生怖畏

時鬼答言今爲汝等故五百賈客盡皆放去
今時師子我身是也今時沙吒盧曠野鬼是也
雜寶藏經輔相聞法離欲緣第九十八

佛在王舍城頻婆莎羅有大輔相數共其王
往至佛所而聽如來說離欲法後於婦所不
大往反婦生惡心推求毒藥著飲食中請佛
欲與夫覺其婦有懷惡意從索飲食婦不肯
與更與異食佛已來至夫白佛言此食不可
食佛言何以不可食答言有毒佛言世間有
毒不過三毒我尚消除有何小毒能中傷我
佛即食其食都無有異時輔相婦便生信心
佛爲說法夫婦二人得須陀洹道諸比丘等

歎未曾有佛言非但今日於過去世亦曾化
彼昔迦尸國王有一智臣名比啞醯常以道
法輔相國王及諸群臣悉使修善時有龍王
名曰明相數數往來比啞醯所聽受法言亦
於其婦往反希簡龍婦瞋恚而作是言得比
啞醯心祀火得血而飲然後可活時有夜叉
鬼與此龍王并及其婦往反親善聞龍婦語
便即答言我能得之於龍婦道擔如意珠現
作賈客往詣迦尸國至於王邊共王搏菹賭
如意珠王以國土庫藏比啞醯等復作一分
以對其珠夜叉得勝求不用其國土庫藏單
取比啞醯以珠送與王王問比啞醯爲欲去

不荅言欲去夜又將去比罽醯問夜又言索
我來者有何意故夜又不荅如是慇懃更問
不已便語之言龍王夫人欲得汝心以祀於
火欲得汝血用而飲之比罽醯云若其殺我
擔我心血去一切之人心血一種知是誰許
汝今莫殺我爲將我去須我心者欲得我智
須我血者欲得我法聞此語已夜又心念實
是智人即將至龍所龍見歡喜即爲說法龍
王夫婦及諸眷屬生敬信心盡受五戒并夜
叉衆亦受五戒尔時閻浮提龍與夜叉大賣
珍寶送比罽醯比罽醯得是珍寶用上於王
并與人民於是閻浮提人及龍鬼受持五戒

修行十善。尔時比喞醯者。我身是也。尔時明相龍王者。善見輔相是也。尔時龍婦者。輔相婦是也。尔時王者。舍利弗是也。尔時夜叉者。目連是也。

雜寶藏經。尼軋子投火聚。爲佛度緣。第九十九。佛在舍衛國。尔時如來降化外道邪見六師。及其眷屬。悉使破盡。五百尼軋子作是念言。我等徒衆。都破散盡。不如燒身。畢就後世。即集薪草。便欲燒身。如來大悲。欲拔彼苦。使火不然。佛在其邊。入火光三昧。諸尼軋子見大火聚。心生歡喜。而作是言。我等不須然火。皆共投身。既到火聚。身體清涼。極大快樂。見佛。



在中倍復慶悅求欲出家佛言善來比丘鬚
髮已落法服在身佛為說法得阿羅漢諸比
丘言希有世尊乃能拔此尼乾子等自燒之
苦使得羅漢佛言非但今日往昔之時舍衛
國中有五百賈客入海採寶時有商主名比
舍佉將諸商眾順風而往即到寶所集著船
上諸賈客輩貪取珍寶船上極重時比舍佉
語諸商賈言莫重著寶喪汝身命時諸賈客
不用其言寧共寶死不能減却商主即以船
宝投著水中上諸賈客者已船上是諸寶船
都沒於海海祇見是商主能捨珍宝救諸商
賈心生歡喜取是商主所棄珍寶擔飛在前



既得出海以還商王謂商人言我等何為不
於室所即自并命見是苦惱時比舍佉深生
悲愍所得珍室悉亦分與便修外道出家之
法即得五通諸商人言如是大士不貪財室
自修其志得大利益我等應學各捨珍室向
仙人所修習其法皆獲五通

命時比舍佉者我身是也今時五百賈客五
百尼乾子是

難寶藏經五百白鴈聽法生天緣第一
佛在舍衛國今時槃遮羅國以五百白鴈獻
波斯匿王波斯匿王送著祇桓精舍眾僧食
時人人乞食鴈見僧聚來在前立佛以一音

說法衆生各得隨類受解當時群鴈亦解佛
語聞法歡喜鳴聲相和還於池水後毛羽轉
長飛至餘處獵師以網都覆殺之當網著時
一鴈作聲諸鴈皆和謂聽法時聲乘是善心
生忉利天生天之法法有三念一者念本所
從來二者念定生何處三者念先作何業得
來生天便自思惟自見宿因更無餘善唯佛
僧邊聽法作是念已五百天子即時來下在
如來邊佛爲說法悉得須陀洹波斯匿王遇
到佛所常見五百鴈羅列佛前是日不見便
問佛言此中諸鴈向何處去佛言欲見諸鴈
耶王言欲見佛言先鴈飛至他處爲獵師所

殺命終生天今此五百諸天子等著好天冠
端正殊特者是今日聽法皆得須陀洹王問
佛言此諸群鴈以何業緣墮於畜生命終生
天今日得道佛言昔迦葉佛時五百女人盡
共受戒用心不堅毀所受戒犯戒因緣墮畜
生中作此鴈身以受戒故得值如來聞法獲
道以鴈身中聽法因緣生於天上

雜寶藏經提婆達多放護財醉象欲害佛緣
第一百

佛在王舍城介時提婆達多放護財醉象欲
得害佛五百羅漢皆飛虛空唯有阿難獨在
佛後佛時舉右手護財白象見五百師子象

時恐怖即便調順五百比丘盡棄佛去唯有
阿難在於佛後佛言非但今日過去亦尔昔
迦尸國有五百鴈共爲群侶尔時鴈王名曰
賴吒鴈王有臣名曰素摩時此鴈王爲獵師
捕得五百群鴈皆棄飛去唯有素摩隨逐不
捨語獵師言請放我王我於今日以身代之
獵師不聽遂以鴈王獻梵摩曜王王問鴈王
爲安隱不鴈王荅言蒙王大恩得王清水又
得好草以活性命得常平安在國土住唯願
大王放一切鴈使無所畏五百群鴈在王殿
上空中作聲時王問言此是何鴈鴈王荅言
是我眷屬王即放無畏内外宣令不聽殺鴈

鴈王白王言今當以正法治國世間無常如
四方山譬如東方大山上無邊際一時來至
南西北方亦復如是磨碎世間一切衆生及
與人鬼悉皆微滅無可逃避無可恃怙不可
救濟當於尔時何所恃賴惟念如是宜應慈
心普育一切修行正法作諸功德大王當知
一切富貴爲衰滅之所摧碎四方而至爲歸
喪失一切強壯又有諸病從四方來破滅強
健一切壯年有病羸山從四方來破壞壯年
一切有命有大死山從四方來壞滅生命如
是四山一切共有天龍人鬼有生之類無得
免者以此義故常修慈心勤行正法若能尔

者死時不悔心不悔故得生善處必遇賢聖
得遇賢聖得脫生死王問素摩何以默然素
摩荅言今鴈王人王二王共語若當讒言非
是儀禮便無上下恭敬之心王言實是希有
汝爲鴈身能行如是忠臣之節人所不及能
以身命代於鴈王又復謙順不讒言說如汝
鴈王君臣之義世所希有悉與金鋹銀鈿其
頭際以好白絹著鴈王首而發遣之言曰往
時爲我說善法即便放去

今時鴈王我身是也今時素摩阿難是也今
時人王我父王淨飯是也今時獵師提婆達
多是

雜寶藏經迦旃延爲惡生王解八夢緣第百二
昔惡生王爲行殘暴無悲愍必邪見熾盛如
來大悲遣諸弟子遍化諸國迦旃延者即是
惡生王國婆羅門種佛尋遣迦旃延還化其
國王并及人民時尊者迦旃延受佛教已尋
還本國時惡生王不覩正真奉事邪道當於
晨朝不欲見人先拜天祀時迦旃延將欲開
化惡生王故於清朝早起化作異人狀如遠
使形貌端正到王門中當王見時還服本形
作沙門像王於道士剃髮之人特復憎惡王
大恚言汝今定死尋便遣人將迦旃延垂欲
加害迦旃延白王言我有何過乃欲見害王

復語言汝剃髮人見者不吉是以今者欲殺
於汝尊者迦旃延即荅之言今不吉者乃在
於我不在於王所以者何王雖見我都無損
減我見於王王欲見殺以此推之言不吉者
正在於我王素聰明聞其語已即領其意放
迦旃延不興惡心密遣二人尋逐其後觀其
住止食何飲食見迦旃延坐於樹下乞食而
食若得食時分與二人有少餘殘寫著河中二
人既還王即問尊者住處及以飲食二人如
上所見具白於王王於後日而請尊者迦旃
延與鹿飲食遣人問言而今此食稱適意不
尊者荅言食之勢力便以充足後與上味細

食復遣人問言可適以不荅言食之勢力便
為充足後王問尊者言我所施食不問鹿細
皆言充足此事何謂也尊者迦旃延即荅王
言夫身口者譬如於竈旃檀亦燒糞穢亦燒
身口亦尔食無麁細飽足為限即說偈言

此身猶如車

好惡無所擇

香油及臭脂

等同於調利

王聞其語深知大德便以麁細之食與婆羅
門諸婆羅門初得麁食咸皆忿恚作色罵詈
後與細食歡喜讚歎王見婆羅門等於飲食
中心生喜怒於迦旃延倍生信敬尔時尊者
有外生女先在城外住婆羅門聚落甚有好

駿以安居時至心懷供養極勇已駿賣得五百金錢請迦旃延夏坐供養尊者迦旃延夏安居訖還至城中時惡生王宮門之中卒有死雉如轉輪王所食之雉而惡生王即欲食之時一智臣白於王言然此雉者不宜便食應先試之王用其言時即遣人割取小臠以用與狗狗得肉已貪著肉味合舌俱食遂至于死又復割少肉用試一人人食肉已亦著滋味遂至自噉其手而死王見是已深生怖畏聞有人言而此肉者唯轉輪聖王有無漏智得道之人乃可食之即便遣人調和美食送與尊者迦旃延時迦旃延食是食已身

體便安王於後日遣人伺看見迦旃延顏色
和悅倍勝於常時王聞已深生竒特益加尊
重輕賤外道諸婆羅門等王問迦旃延言尊
者此夏何處安居今方來耶尊者具說以外
生女賣髮賀錢供養衆僧王聞是語而作是
言我宮中人極美髮者然直銅錢不過數枚
今言彼女之髮直五百金錢者彼之女人美
髮非常容儀必妙即問其女父母姓名尋遣
使人往至於彼親見女身姿貌超絕果如所
量王即遣使將婢爲婦而彼女家大索寶物
城邑聚落王復思惟若與彼者女來之時還
當屬我即便與之納爲夫人初迎之日舉國

欣慶咸稱大吉於其後日復放大赦即号爲尸婆具沙夫人王甚悅敬後生太子字喬波羅時王於寢夢見八事一頭上火然二兩虵絞腰三細鐵網纏身四見二赤魚吞其雙足五有四白鵠飛來向王六血泥中行泥没其腋七登大白山八鸛雀扇頭於夢寤已以爲

不祥愁憂慘悴尋即往問諸婆羅門婆羅門聞王此夢素嫌於王兼疾尊者因王此夢言大王不吉若不攘厭禍及王身王聞其語信以爲然益增憂惱即問之言若攘厭時當須何物諸婆羅門言所須用者王所珍愛我若說者王必不能時王荅言此夢甚惡但恐大

禍殃及我身除我以往餘無所惜請爲我說
所須之物諸婆羅門等見其慇懃知其心至
即語王言所可用者此夢有八要須八種可
得攘災一殺王所敬夫人尸婆具沙二殺王
所愛太子喬波羅三殺輔相大臣四殺王所
有烏臣五殺王一日能行三千里象六殺王
一日能行三千里駝七殺王良馬八殺禿頭
迦旃延却後七日若殺此八聚集其血入中
而行可得消災王聞其言以已命重即便許
可還至宮中愁憂懊惱夫人問王何故如是
王荅夫人具陳說上不祥之夢并道婆羅門
攘夢所須夫人聞已而作是言但使王身平

安無患妾之賤身豈足道也即白王言却後
七日我當歸死聽我往彼尊者迦旃延所六
日之中受齋聽法王言不得汝若至彼或語
其實彼若知者捨我飛去夫人慇懃王不能
免即便聽往夫人到彼尊者所已禮拜問訊
遂經三日尊者恠問王之夫人未曾至此經
停信宿何故今者不同於常夫人具說王之
惡夢却後七日當殺我等用禳灾患餘命未
幾故來聽法因向尊者說王所夢尊者迦旃
延言此夢甚吉當有歡慶不足爲憂頭上火
然者寶王之國當有天冠直十萬兩金來貢
於王正爲斯夢夫人心急七日向滿爲王所

害懼其來晚問尊者言何時來到尊者荅言
今日晡時必當來至兩蚺絞腰者月支國王
當獻雙劍價直十萬兩金日入當至細鐵網
纏身者大秦國王當獻珠瓔珞價直十萬兩
金後明晨當至赤魚吞足者師子國王當獻
毗琉璃寶履價直十萬兩金後日食時當至
四白鵠來者跋耆國王當獻金寶車後日日
中當至血泥中者安息國王獻鹿毛欽婆羅
衣價直十萬兩金後日日昃當至登太白山者
曠野國王當獻大象後日晡時當至鸚雀肩
頭者王與夫人當有私密之事事至後日自
當知之果如尊者所言期限既至諸國所獻

一切皆到王大歡喜尸婆具沙夫人先有天
宥重著寶主國所獻天宥王因校戲脫尸婆
具沙夫人所著一重天宥著金鬘夫人頭上
時尸婆具沙夫人瞋恚而言若有惡事我先
當之今得天宥與彼而著尋以酪器擲王頭
上王頭盡汚王大瞋忿拔劍欲斫夫人夫人
畏王走入房中即閉房戶王不得前王尋自悟
尊者占夢云有私密正此是耳王及夫人尋
至尊者迦旃延所具論上來信於非法惡邪
之言幾於尊者妻子大臣所愛之物行大惡
事今蒙尊者演說真實開示盲瞶得覩正道
離於惡事即請尊者敬奉供養駟諸婆羅門

等遠其國界即問尊者有何因緣如此諸國
各以所珍奉獻於我尊者荅言乃往過去九十
一劫尔時有佛名毗婆尸彼佛出時有一國
名曰槃頭王之太子信樂精進至彼佛所供
養禮拜即以所著天冠寶劍瓔珞大象寶車
欽婆羅衣用上彼佛緣是福慶生生尊貴所
欲珍寶不求自至王聞是已於三寶所深生
敬信作禮還宮

雜寶藏經金猫因緣第一百三

昔惡生王遊觀林苑園中堂上見一金猫從
東北角入西南角王即遣人尋復發掘得一
銅盆盆受三斛滿中金錢漸漸深掘復獲一

盆如次第得三重盆各受三斛漸復傍掘亦
得銅盆轉掘不已滿五里中盡得銅盆盛滿
金錢時惡生王深生竒恠即詣尊者迦旃延
所即向尊者具論得錢所由因緣我適輒取
欲用將無災患於我及國人耶尊者荅言此
王宿因所獲福報但用無苦王即問言不審
往因其事云何尊者荅言諦聽諦聽乃往過
去九十一劫毗婆尸佛遺法之中尔時有諸
比丘於四衢道頭施大高座置鉢在上而作
是言誰有世人能於堅牢藏中舉錢財者若
入此藏水不能漂火不能燒王不能奪賊不
能劫時有貧人先因賣薪適得三錢聞此語

已生歡喜心即以此錢重著鉢中誠心發願去舍五里當還家時步步歡喜既到其門向勸化處至心發願然後入舍尊者言尔時貧人今王是也以因往昔三錢施緣世世尊貴常得如是三重錢益緣五里中步步歡喜恒於五里有此金錢王聞宿緣歡喜而去

雜寶藏經惡生王得五百鉢緣第四百四

昔惡生王往鬱禪延城時守門者晨朝開門門外忽然有五百量車各載寶鉢盛滿金粟皆有印封題言此鉢與惡生王時守門者告白王言外有寶鉢題鉢言與王不審今者爲可取不王自思惟此寶忽然而至或是不祥

我若取者將不爲我家國灾害作是念已即
往詣尊者迦旃延所而問之言今晨開門忽
見寶鉢其上印題云與惡生王未知吉凶爲
可取不尊者荅言是王宿福果報但取勿疑
王白尊者我於往因修何功德而致此報尊
者荅言汝於昔日九十一劫仙人山中有一
辟支佛值雨脚踏即破瓦鉢時辟支佛詣瓦
師家從乞瓦鉢瓦師尋以五器皆盛滿水
歡喜施與辟支佛得已擲鉢空中踊身騰虛
作十八變瓦師妻子并買瓦者見此神變咸
皆踊悅歡喜無量尔時瓦師者王身是也尔
時婦者尸婆具沙夫人是也尔時兒者喬波

羅太子是介時買瓦者輔相富盧闕是也買
瓦婦者輔相婦是王復問言不審此鉢爲自
然出爲有從來尊者荅言而此鉢者非自然
有從恒河水龍宮中來何以知之乃往過去
羅摩王舅婆羅門修清淨行在恒河側時羅
摩王日以寶鉢送食與舅婆羅門法器不重
用食竟棄鉢於彼恒河中盲龍收取寶鉢盛
滿金粟著己宮中如是所棄日日漸多由是
獲得五百車鉢盲龍命終又無兒子掌領此
鉢天帝知王往日施鉢因緣故用遺王王聞
是語尋取寶鉢以用作福廣修布施供養三
寶從此因緣後生善處

雜寶藏經求毗摩天望得大富緣第一百五

昔有兄弟二人家計貧困兄常日夕精勤禮拜求毗摩天望得大富而遣其弟耕田種殖如是求請經歷多時時毗摩天化作其弟至其兄邊兄瞋弟言何不墾殖來此何爲時弟答言兄在天寺晝夜祈請望得大富弟於今日亦欲効兄齋戒求願望得獲大富兄語弟言卿不耕田下於種子財富豐有何由可獲弟答兄言實以種故而收獲已兄不能報於是毗摩天還復天像而語之言今我之力正可助汝及於今日修作布施然後可富而汝往因不修布施故使貧窮今雖日夜精勤求

我富饒財寶將何可獲如菴婆羅樹若於冬
時雖復奉事百千天神欲求於菓菓不可得
汝亦如是先不修因而於我所欲求大富亦
不可得菓若熟時不自得而說偈言

福業如菓熟

不以神禮得

人秉持戒車

後得至天上

定知如燈滅

得至於無爲

一切由行得

求天何所爲

雜寶藏經鬼子母失子緣第一百六

鬼子母者是鬼神王般闍迦妻有子一万皆

有大力士之力其最小子字嬪伽羅此鬼子

母凶妖暴虐殺人兒子以自噉食人民患之

仰告世尊世尊亦時即取其子嬪伽羅盛著

鉢底時鬼子母周遍天下七日之中推求不
得愁憂懊惱傳聞他言云佛世尊有一切智
即至佛所問兒所在時佛答言汝有万子唯
失一子何故苦惱愁憂而推覓耶世間人民
或有一子或五三子而汝殺害鬼子母白佛
言我今若得嬪伽羅者終不更殺世人之子
佛即使鬼子母見嬪伽羅在於鉢下盡其神
力不能得取還求於佛佛言汝今若能受三
歸五戒盡壽不殺當還汝子鬼子母即如佛
勅受於三歸及以五戒受持已訖即還其子
佛言汝好持戒汝是迦葉佛時羯肌王第九
小女大作功德以不持戒故受是鬼形

雜寶藏經天祀王緣第一百七

昔日有一婆羅門事摩室天晝夜奉事天即
問言汝求何等婆羅門言我今求作此天祀
主天言彼有群牛汝問最前行者即如天語
往問彼牛汝今何似爲苦爲樂牛即荅言極
爲大苦剌刺兩勒柴戾脊破駕挽車載重無
休息時復問言汝以何緣受是牛形牛荅之
言我是彼天祀主自恣極意用天祀物命終
作牛受是苦惱聞是語已即還天所天即問
言汝今欲得作天祀主不婆羅門言我覩此事
實不敢作天言人行善惡自得其報婆羅門
悔過即修諸善

雜寶藏經祀樹神緣第一百八

昔有老公其家巨富而此老公思得肉食詭作方便指田頭樹神語諸子言今我家業所以諧富由此樹神恩福故尔今日汝等宜可群中取羊以用祭祀時諸子等承父教勅尋即殺羊禱賽此樹即於樹下立天祀舍其父後時壽盡命終行業所追還生已家羊群之中時值諸子欲祀樹神便取一羊遇得其父將欲殺之羊便啞啞笑而言曰而此樹者有何神靈我於往時爲思肉故妄使汝等祀皆共汝等同食此肉今償殃罪獨先當之時有羅漢遇到乞食見其亡父受於羊身即借主

人道眼令自觀察乃知是父心懷懊惱即壞
樹神悔過修福不復殺生

寶藏經婦女厭欲出家因緣第一百九

昔有一婦女端正殊妙於外道法中出家修
道時人問言顏貌如是應當在俗何故出家
女人荅言如我今日非不端正但以小來厭

惡姪欲令故出家我在家時以端正故早蒙
分處早生男兒兒遂長大端正無比轉覺羸
損如似病者我即問兒病之由狀兒不肯道
爲問不止見不獲已而語母言我正不道恐
命不全正欲具道無顏之甚即語母言我欲
得母以私情欲以不得故是以病耳母即語

言自古以來何有此事復自念言我若不從
見或能死今寧違理以存兒命即便喚兒欲
從其意見將上牀地即擘裂我子即時生身
陷入我即驚怖以手挽兒捉得兒髮而我兒
髮今日猶故在我懷中感切是事是故出家
也

雜寶藏經不孝子受苦報緣百十

昔迦默國鳩陀扇村中有一老母唯有一子
其子教逆不修仁孝以瞋母故舉手向母適
打一下即日出行遇逢於賊斬其一臂不孝
之罪尋即現報苦痛如是後地獄中苦不可
稱計

雜寶藏經卷第七

驚

裸形

上反 女反 駛流

上使史 二音

樗蒲

上反 居反

舍佉

下反 丘

雉

直里 反 變

上力轉 反

娉

反 併

絞

反 古 巧

腋

亦音

阿

音 襍

下上 而

一檢反 羊反

禿頭

上反 谷反

寶屐

下反 奇 逆

日

映

下徒 反

斛

反 胡 谷

兩車

上反 向 力

脚踏

下徒 反

傾

彌 遺王

上聲 去

墾殖

上音 時 力 反

嬪

下 頻 上 音

邊

音

肌

上居 下音 飢 謁

反 兩

勒

下正 助

啞

洪 於 師 音

反 孽

裂

反

上普 覓 敦

反 蒲 沒

